

Oqaluuserisassanut nassuiaat.

(Inatsisartut Siulittaasoqarfiat)

Immikkoortoq 13, Nunani Avannarlerni iliuusissaq aamma nassuiaat 2011, ullumi taasisaqattaarnerat naammasseriarpata siullertut oqaluuserisassatut nuunneqarpoq.

Immikkoortoq 62, Naqinnernik ilisarinnissinnaangitsut ilikkagaqarfiuneru-sumik qanoq isiornikkut ilinniartinneqartarnissaannik aammalu immikkut sullinneqartarnissaat sutigut pitsanngorsaavigissanerlutigu apeqquteqaat aallaavigalugu oqallinnissamik siunnersuut, aamma immikkoortoq 131, Inuusuttut inersimasullu akornanni naqinnernik takunnissinnaangitsut aamma atuarnermik allannermillu ajornartorsiuteqartut pillugit nuna tamakkerlugu iliuusissamik pilersaarusiornissamut Naalackersuisut peqquneqarnissaannik Inatsisartut aalajangiiffigisassaattut siunnersuut, immikkoortoq 13 oqaluuserine-qareerpat tullinnguutissapput.

Naalackersuisut immikkoortup 66-ip, Eqquiniaasitsinermi akileraarutit pillugit Inatsisartut inatsisaata allanngortinneqarneranik inatsisartut inatsisaata, oqaluu-serisassanut ilanngunneqarnissaanik nalunaaruteqarput. Siunnersuutigineqarpoq immikkoortoq 66 ulloq 7. november siullermeerneqassasoq aappassaaneerneqarlunilu kiisalu ulloq 10. november pingajussaaneerneqarluni.

Siulittaasoqarfiup Siumup oqaluuserisassanut immikkoortumik nutaamik ilanngussisoqarnissaanik, Ukiup sinnerani aalisartut qaleralinnik saarullinnillu inuutissarsiuteqartut pisassaruttut, kiisalu aalisakkerivinni qaleralinnik saarullinnillu nioqqutissiorfiusuni sulisut sulassaruttut, isertitaarutivinneq pissutigalugu inuuniarnermikkut atugarliorluinnalertussat pillugit aaqqiissutaasinnaasunik sunik iliuuseqarsinnaaneq pillugu apeqquteqaat aallaavigalugu oqallinnissamik siunnersuummik, qinnuteqaataa akueraa. Immikkoortoq UKA2011-ip ingerlanerani kingusinnerusukkat maani oqaluuserisassanngortinneqarumaarpoq

Ullumi ataatsimiinneq eqqarsaatigalugu Inatsisartunut ilaasortat Aleqa Hammond, Siumut aamma Hans Aronsen, Inuit Ataqtigiit taasisarnerit pillugit isumaqatigiissuteqarput.